

## कौन सी ने मार दियो री टोना ...

कौन-सी ने मार दियो री टोना ।  
ए री मेरो मचल्यो श्याम सलोना ॥

भूल गई मैंने दियो ना वाके, माथे बीच ढिठौना  
काऊ सखी की नज़र बुरी है,  
आँख न खोले मेरो छोना ॥1॥ री कौन-सी ने ...

दूध न पीवे लाला दहियै न खावै, ना खाये माखन लौना  
रोय-रोय रूदन करे मेरो लाला,  
याने तोड़े सबै खिलौना ॥2॥ री कौन-सी ने ...

कई बार मैंने कही श्याम सों, सखियन संग नचो ना  
बुरी नज़र है इन गोपिन्ह की,  
बरजे से माने ना ॥3॥ री कौन-सी ने ...

ललिता बिसाखा यों उठ बोलीं, जसुमति बात सुनो ना  
राई लोन उतार श्याम पे,  
धर घो री कोई कोना ॥4॥ री कौन-सी ने ...

